

## Directivas per l'engaschament e la salarisaziun da plevons

Relaschadas da la cumissiun administrativa ils 23 da november 2005, revedidas per la davosa giada ils 16 december 2009

### Art. 1 Champ d'applicaziun

Las preschentas directivas valan per plevons, plevons administraturs, chaplons e vicaris (sequentamain numnads spirituals) che stattan en servetsch dals cumins-baselgia dal chantun Grischun (sequentamain numnads cumins-baselgia) e ch'èn engaschads en la pastoraziun.

Questas directivas valan sco recumandaziun per tut ils cumins-baselgia. Ellas èn impegnativas per cumins-baselgia cun dretg da gulivaziun da finanzas.

La dimensiun dals pensums da lavur per persunas incumbensadas en cumins-baselgia cun dretg da gulivaziun da finanzas sto vegnir approvada da la cumissiun administrativa da la baselgia chantunala (sequentamain numnada cumissiun administrativa).

Ultra da quai ston vegnir approvads tut ils contracts d'engaschament e tut las midadas fatgas pli tard (cumins-baselgia cun e senza dretg da gulivaziun da finanzas) dal vicari general per il Grischun e dal president da la cumissiun administrativa (cf. art. 4 da la Cunvegnientscha davart il dretg dals cumins-baselgia d'eleger il plevon, nr. 51 da la Collecziun da leschas).

### Art. 2 Paja da basa

La paja da basa sa cumpona da la paja en daner contant e da la paja en natiralias.

### Art. 3 Paja en daner contant per spirituals

Cun il 1. da schaner 2006 vegn introducida ina nova scala per las pajas dals spirituals (aggiunta). La paja en daner contant per in pensum da 100% munta durant l'emprim onn da servetsch a fr. 63'000.00 e durant il 20avel onn da servetsch ed ils onns da servetsch sequents a fr. 85'800.00 (inclusiv la 13avla paja mensila).

### Art. 4 Paja en natiralias per spirituals

Ultra da la paja en daner contant ha il spiritual il dretg d'ina abitaziun gratuita inclusiv ils custs accessoris (stgaudament, aua, energia).

**Art. 5** Scala da las pajas, cuntanscher il proxim stgalim

Il proxim stgalim da paja vegn mintgamai cuntanschì suenter 1 onn da servetsch absolvids. Quintads vegnan era onns da servetsch ordaifer il chantun. En cas dad onns da servetsch ordaifer la diocesa decidan il cumin-baselgia resp. la cumissiun administrativa da cas en cas e suenter avair tadlà il vicari general.

**Art. 6** Chareschia

Concernent la cumpensaziun da chareschia vala la medema reglamentaziun sco quella che la regenza fixescha per ils emploiads e las emploiadas dal chantun.

**Art. 7** Pajas per diacons ed assistents pastorals

Davart las pajas per diacons ed assistents pastorals u assistentas pastorales decida il cumin-baselgia resp. la cumissiun administrativa da cas en cas suenter avair tadlà il vicari general.

**Art. 8** Pajas per absolvents dad onns pastorals

Absolvents dad onns pastorals retschaivan per regla durant lur emprim onn 40% e durant lur segund onn 50% da la paja da basa per l'emprim onn da servetsch. Davart ils pertschient dal pensum d'engaschament decida il cumin-baselgia resp. la cumissiun administrativa da cas en cas suenter avair tadlà il vicari general.

**Art. 9** Pensums d'engaschament

Il champ da lavur per las personas incumbensadas cun la pastoraziun vegn registrà en pertschient da piazza. In pensum parochial da 100% è per regla avant maun, sch'el spiritual tgira:

- 1 pravenda cun pli che 900 catolics;
- 2 pravendas cun ensemen pli che 750 catolics;
- 3 pravendas cun ensemen pli che 450 catolics;
- 4 pravendas u dapli cun ensemen pli che 300 catolics;

e sch'el dat plinavant, tut tenor il dumber da pravendas, 4-8 lecziuns d'instrucziun religiusa.

Plinavant vegnan resguardads ulteriurs criteris per la calculaziun dals pertschient da piazza, sco p.ex. servetschs supplementars en ospitals, chasas d'attempads euv., distanzas, relaziuns localas euv.

La cumissiun administrativa decida davart divergenzas e pensums parzials da cas en cas sin proposta dal departament da finanzas e suenter avair tadlà il vicari general.

**Art. 10** Pajament dal salari en la vegliadetgna da pensiun

A spirituals en la vegliadetgna da l'AVS (oz a partir dal 65avel onn) vegn deducida la renta minimala AVS da la paja respectiva.

Perquai che las rentas (AVS e cassa da pensiun) vegnan finanziadas per daplì che la mesadad tras l'employader, èsi giustifitgà da reducir plinavant la paja per spirituals che lavuran anc suenter avair cumplenì 70 onns e che retschaivan tant ina renta AVS sco era la renta da la cassa da pensiun. La reducziun munta mintgamai a 30% da la paja da basa correspondentia. Al mument che questa reducziun vegn fatga, vegn il spiritual integrà en il stgalim da paja dal 20avel onn da servetsch (stgalim da paja maximal).

**Art. 11** Cumpensaziun da las spesas

Per regla retschaiva il spiritual ina pauschala annuala per spesas da viadi sco era per spesas da telefon, porto ed eventualas ulteriuras expensas. Per cumins-baselgia cun dretg da gulivaziun da finanzas vegnan fixads quests imports pauschals en enlegientscha tranter il cumin-baselgia ed il departament da finanzas.

**Art. 12** Vacanzas, scolaziun supplementara, assicuranzas socialas, provediment dal personal

En quest regard vegn renvià al Contract normal da lavur tranter il cumin-baselgia ed il spiritual da la pravenda (Collecziun da leschas nr. 53).

**Disposiziuns transitorias****Art. 13** Possess actual

Als spirituals en uffizi che n'han anc betg cuntanschì il 70avel onn il 1. da schaner 2006 vegn concedì il mantegniment dal possess actual. Sch'els retschavessan ina indemnizaziun pli bassa tenor la nova scala da las pajas, succeda l'integraziun sin il 1. da schaner 2006 en il stgalim dal 9avel onn da servetsch.

Supplements da tut gener concludids enfin ussa vegnan scuntrads e cumensads cun ils novs stgalims dals onns da servetsch. La basa per la calculaziun furma la davosa paja fundamentala da fr. 69'000.00 avant l'introducziun dals stgalims dals onns da servetsch.

**Art. 14** Adattaziun al maximum da paja

Sin il 1. da schaner 2006 vegnan integrads spirituals che han prestà oz 19 u daplì onns da servetsch en il stgalim dal 11avel onn da servetsch tenor la nova

scala da las pajas. La differenza cun il maximum vegn cumpensada en quatter pass annuals da mintgamai 25%.

**Art. 15**      Entrada en vigur

Questas directivas entran en vigur il 1. da schaner 2006.

**Agiunta: Scala da las pajas 2010**

	<i>Paja en daner contant / mais</i>	<i>Paja en daner contant / onn</i>
1. onn da servetsch	5'424	65'096
2. onn da servetsch	5'528	66'336
3. onn da servetsch	5'631	67'576
4. onn da servetsch	5'734	68'816
5. onn da servetsch	5'838	70'055
6. onn da servetsch	5'941	71'296
7. onn da servetsch	6'044	72'539
8. onn da servetsch	6'148	73'775
9. onn da servetsch	6'251	75'016
10. onn da servetsch	6'354	76'255
11. onn da servetsch	6'458	77'495
12. onn da servetsch	6'561	78'736
13. onn da servetsch	6'664	79'975
14. onn da servetsch	6'768	81'215
15. onn da servetsch	6'871	82'455
16. onn da servetsch	6'974	83'695
17. onn da servetsch	7'078	84'935
18. onn da servetsch	7'181	86'175
19. onn da servetsch	7'284	87'415
20. onn da servetsch	7'388	88'654
<b>Plevons sur 65 onns cun renta da la cassa da pensiun suspendida, paja maximala</b>		<b>88'654</b>
minus la renta da l'AVS minimala		-13'680
paja determinanta		<b>74'974</b>
<b>Pensiunads cun renta da la cassa da pensiun e paja maximala</b>		<b>88'654</b>
minus la renta da l'AVS minimala		13'680
minus 30% da la paja maximala		26'596 -40'276
paja determinanta		<b>48'378</b>